

後村先生大全集

後村先生大全集卷之五十六

內制

不允答詔

賜程元鳳再上奏乞退居田里不允詔

勅元鳳再求閑退殊弗眷留猷勞思佚者凡人之情
首公竭節者大臣之誼况害稼之潦甚廣惟憇棠之
地稍輕九扈所積無贏萬竈非糴不飽方且倚仁牧
為軍民之命詎容奪赤子於父母之懷卿其簡省文
書親近湯液吏民頌禱俾壽而藏神物獲持何恙不
已

賜程元鳳三上奏乞畀祠祿不允詔

勅元鳳勉留者再難徇雅懷力言者三未眷意乎昔者周分西陲畢尹陳郊雖勛舊重臣猶勤勞外服而况政方就緒詎容他人之變更翟甫開端宜戒黷吏之科抑必鎮靜常如始至必勸誘使之樂輸卿體國甚忠豈有遐心而欲去衛生素謹預知微恙之必瘳尚聽斯言姑安汝止

賜厲文翁辭免除資政殿學士汾海制置使
兼知慶元府恩命不允詔

勅文翁資殿隆名制垣重寄雖予新渥亦爾舊疆昔

命出而復寢也以師言今令行而不反也以獨斷矧如海道尤急秋防宜叱馭而遂行胡倚轅而未發朕惟難平者機事易感者人心減戶租為保障則晉陽之守堅散賞賜予軍吏士大夫則馬服之戰勝卿久動心而忍性必酌右以御今益自奮於猷為勿徒煩於謙遜

賜江萬里辭免除端明殿學士同簽書樞密院事恩命不允詔

勅萬里本朝至慶歷間號稱極盛之時然二虜大為邊患天下之力殫敵於陝西河北國勢疑稍弱矣我

仁祖所以尊中國而攘戎狄者豈有它道哉聚諸賢
於朝而擢任其尤有人望者於二府入則籌帷出則
行邊制以智謀磨以歲月二虜皆臣伏矣卿任言
責則抗蕭生汲黯之直典銓綜則有毛玠山濤之清
公卿有闕物諭必擬卿久矣本兵之地不當用若人
耶卿其惜分陰建長策以佐朕之大有為巽避小廬
卿勿詞費

賜江萬里辭免同提舉編修經武要略恩命
不允詔

勅萬里史官多網羅舊聞不必皆目擊身履也惟時

政記及經武之書則二府大臣自記其獻替之言或使其屬執簡而自筆削焉故二書尤可傳信卿書法見於瑤編者嚴矣今既晉居西府九家朝應接戎機科瑣邊吏皆卿所募畫也進而密啓退而實錄十萬世將有取焉矣以辭為

賜權刑部尚書楊棟辭免國子祭酒恩命不
允詔

勅楊棟師儒必極天下之選然後士無異論卿西州魁彥有德有言出藩入從風節不撓縉紳相語曰是為善類王夏盟者韋布聚談曰是為公論立砥柱者

適大司成弄印本屬之卿而誰屬乎卿顧以職繁力
分引辭夫課試講說僚采之事卿直以道德典刑使
諸生觀之化耳朕言不再其即欽承

賜參知政事兼太子賓客及龍崇辭免以皇
太子宮滿歲推恩特轉一官恩本不允詔

勅龍榮儲東滿歲晉秩舊典禮經然也况居夔高之
任而冠圉綺之列者乎卿以參與大臣從吾兒游輔
導之德深調護之功高序遷一階予心猶以為薄抗
章吳避寧不損事體而廢邦彝哉卿言有大而能謙
朕令惟行而不反

賜同知樞密院事兼權參知政事兼太子賓客沈炎辭免以皇太子宫滿歲推恩特轉一官恩命不允詔

勅沈炎朕為宗社萬世計豫定國本于茲一年儲學日益儲德日進皆卿等羽翼調護之力也年勞迂轉凡有職于春宮者莫不然矧居園綺之列安得而獨辭乎卿於從游之際議政之頃思其遠者大者以輔導吾兒辭官小慮毋勞固請

賜簽書樞密院兼太子賓客何夢然辭免以皇太子宫滿歲推恩特迂一官恩命不允詔

勅夢然朕豫建國本妙簡儲僚自宮端而下皆當世
之耆儒宿李惟賓師之任則以一相及二三執政為
之尤重其選也然以西府之望從東宮之游談經議
政之際所以輔導吾兒厥功茂焉年勞增秩有列於
鶴禁者皆然卿雖罕辭朕不及汗

賜同簽書樞密院事兼太子賓客江萬里辭
免以皇太子滿歲推恩特轉一官恩命不允
勅萬里漢初建儲既以叔孫通為太傅張良為少傅
又使國綺四人者為之羽翼曰煩公等卒調護太子
此朕命二三大臣各客于春宮之意也卿繇人望執

樞事以輔臣言則以路西府之班以儲案言則宜受
東宮之賞茲事有体卿言太謙

賜趙崇燾辭免除吏部侍郎兼職依舊恩命
不允詔

勅崇燾昔之善典選者曰清介曰平允清則不徇乎
私介則不撓於勢平則如秤之於輕重允則準然當
於人心魏晉之毛玠山濤唐之裴馬不過率是道尔
朕於近臣中察卿熟矣長都曹武地官士大夫称其
剛勁有守府史胥徒憚其嚴明难犯夫如是則長榜
注官之人操縱予奪一聽於小宰而不受抑於主事

令史矣此卿所優為也毋庸多遜

賜資政殿學士通奉大夫提舉萬壽觀史宇
之上表再辭免除資政殿大學士知建寧府
恩命不允詔

勅字之爾之顯考有勞於國有德於朕猶當十世宥
也朕見二季若爾考焉伯氏不究於用而天朕甚悼
之爾朕伯氏尤溫恭長厚守括帥越皆有遺愛建之
為郡俗獷於越而事繁於括爾其以昔之治括與越
者治建則為良二千石矣由浙入閩壤地相接豈必
聚糧奉母行春人生至樂又何不從

政之有所辭宜不
允不得再有政請

賜守尚書戶部侍郎高衡孫乞祠不允詔

勅衡孫自漢以來京兆尹率以擊斷為威風發摘為聰明爾久出藩入從於是二者蓋優為之豈優為而不屑為耶抑儒者氣象固然耶夫擊斷發摘於郡國之間末也論思獻納於朝廷之上本也解天府而治地官朕之所以待爾者加厚矣

賜觀文殿學士光祿大夫汾江制置大使馬

光祖辭免召赴行在恩命不允詔

勅光祖古之人其於分閫也必跪推轂以遣之其於還率也必歌出車以勞之迺眷龐臣久膺重寄疊疊

于蕃乎四國惴惴不歸者三年邊城增百雉之雄天
塹無一塵之警遂寬憂顧備罄忠勤屬渴想於儀刑
俾趣修於朝謁延佇介圭之至止庶幾前席而問焉
倏騰巽章具述謙志使臣豈不序情而閔以礼勞多
事之時未可奉身而求退予環後矣俟駕可乎

賜同知樞密院事兼權參知政事兼太子賓
客沈炎乞昇祠祿不允詔

勅沈炎朕方以水灾雷變恐懼修省思與二三大臣
講求所以消弭咎證感召和氣者卿於此時引疾求
去翩然出闕都人士莫不駭異以退為高而置君民

於度外將安取此朕已遣黃門趣卿返旆其即奉詔
共圖國事俟民氣稍甦天休滋至徐謀出處未晚

賜簽書樞密事兼太子賓客何夢然辭免同
提舉編修勅令恩命不允詔

勅夢然卿材兼文武位重弼諧天下之務惟幾既
煩共二王者之法易避不過約三矧群僚分載筆之
勞若碩輔特提綱而已力辭奚謂舊典則然於紫樞
黃閣經綸之餘放金科玉條公草之故修政事攘夷
狄中外無虞決律令定章程精粗並舉亟承休命毋
事撫文

賜徽猷閣直學士通奉大夫新知建寧府陳
顯伯舜免召赴行在恩命不允詔

勅顯伯朕初改紀卿首賜環其眷注在諸臣之右顯
屢以疾來諗為之進西清之直需南邦之次以俟藥
喜又歲餘矣賢路既開孔鸞畢集而目中久不見卿
迺於陽復之日馳驛再召側席久之吳函復至夫難
進易退固朕所敬昔病今愈獨不可趣造於朝乎環
顧在列年事蓋有先於卿者其為朕懽然一來天棊
忠忱何恙不已况近臣從容諷議足矣豈必以筋力
為禮哉

賜沈炎辭免除資政殿學士提舉臨安府洞
霄宮恩命不允詔

勅沈炎朕以卿兩載奮庸同心輔政故於其勇退也
則賜溫詔以勉其留及其留之而不可也則以秘殿
大邦葉其去而卿畏避權寵涕唾榮利必欲丐閑朕
既俞卿辭郡之請顧拜疏不已辭洞霄又辭資政在
卿潔身之誼高矣人謂朕何國家進退輔臣有禮夫
豈其然所取已兼毋庸多遜

賜權刑部尚書楊棟辭免除權禮部尚書日
下供職兼職依舊恩命不允詔

勅楊棟禮官之長在有虞氏爲秩宗在周爲大宗伯至本朝而其官尤重朕不暇遠引如臣軾臣裳臣瑩臣了翁皆以獨珍踐乎台斗卿負倫魁之望有諸老之風若古六卿既居其二矣夫禮刑相爲表裏又曰制礼止刑與其勞煩卿以呂侯蘇公之事不若位置卿於伯夷后夔之選朕志先定奚以辭爲

賜文州刺史駙馬都尉楊鎮辭免除宜州觀
察使恩命不允詔

勅楊鎮在昔恭聖決策援立使朕被袞服冕南面有天下傳之千萬世誰之功也嗟乎慈容遠矣思所以